

14 октября 2013 гóда.  
Покрòв Пресвятóй Богорóдицы.

## **ВСЕНО́ЩНОЕ БДÉНИЕ. КАНО́Н:**

ПЕСНЬ 1:

КАНО́Н ПРАЗДНИКА, ГЛАС 4:

**Ирмòс:**           **Отвѣрзу уста́ моя, / и напòлнятся Дúха, / и слòво отрýгну Царíце Мáтери, / и явлýся, свѣтло торжествýя, // и воспою́, рáдуясь, То́я чудесá.**

**Припѣв:**       **Пресвятáя Богорóдице, спасí нас.**

**Тропáрь:**       **С чýнми святýх Áнгел и с собòры прорòк и апòстол, / в слáве велицей, я́ко Мáти Бóжия, / днесь в цѣрковь вшѣдши, за христиáны мòлишися, / от напáсти и печáли избавля́еши вся, // покрывáющи Твоею́ мýлостию.**

**Припѣв:**       **Пресвятáя Богорóдице, спасí нас.**

**Тропáрь:**       **Скíнию Тя Моисей и жезл Аарòнов именовá: / Ты бо живòтное дрéво, Христá, процвелá еси́, / к Немýже дерзновѣние имýщи, за ны, чѣстующия Тя, Царíце, помолíся / избáвити нас от всякаго зла, // да Твоегò Покрòва прáздник слáвим.**

**Припѣв:**       **Пресвятáя Богорóдице, спасí нас.**

**Тропáрь:**       **Не я́ко пред кивòтом дрéвле, собрáв, Давíд, лíки, играет, / но пáче ны́не с чýнми святýх пред Тобòю текýще в цѣрковь, Тебѣ клáняющесе, глагòлют: / моли́ за чѣстующия Тя лýди, // да Твой слáвяще Покрòв, чѣстно прáзднуем.**

**Слáва Отцý и Сýну и Свято́му Дýху.**

**Тропáрь:**       **Пою́т Тя, Богорóдице, Áнгельстии чýни, / и слáвят патриáрси со святítели пред лицѣм Ти, текýще в цѣрковь. / С нíмиже Тя тогда́ святýй Андрéй вíде, за ны грѣшныя, к Бóгу моля́щуюся, // помýловати лýди, слáвящия Твоегò Покрòва прáздник.**

**И ны́не и прíсно и во вѣки векòв, амíнь.**

**Тропáрь:**       **Пою́т Тя, Богорóдице, Áнгельстии чýни, / и слáвят патриáрси со святítели пред лицѣм Ти, текýще в цѣрковь. / С нíмиже Тя тогда́ святýй Андрéй вíде, за ны грѣшныя, к Бóгу моля́щуюся, // помýловати лýди, слáвящия Твоегò Покрòва прáздник.**

КАТАВАСИЯ, ГЛАС 4:

**Отвѣрзу уста моя,/ и напѣлнятся Духа,/ и слово отрѣгну Царице Матери,/ и явлюся, свѣтло торжествую, // и воспою, радуясь, Той чудеса.**

ПЕСНЬ 3:

КАНОН ПРАЗДНИКА, ГЛАС 4:

**Ирмос:** **Твоя песнословцы, Богородице,/ живый и неизвестный источник,/ лик Себе совокуплящая духовно, утверди,/ в Божественной Твоей славе // венцев славы сподоби.**

**Припев:** **Пресвятая Богородице, спаси нас.**

**Тропарь:** **Клас прозябшая Божественный,/ яко нива неоранная яве,/ радуйся, одушевленная трапезо,/ Хлеб Животный вмещающая. // Радуйся, Животная воды источник неистощимый, Владычице.**

**Припев:** **Пресвятая Богородице, спаси нас.**

**Тропарь:** **Твои рабы, Владычице,/ в церкви Твоей верою предстояще, Твоея ожидаем милости: // посети наше смирение и Твоим святым Покровом защити люди от всякаго зла.**

**Припев:** **Пресвятая Богородице, спаси нас.**

**Тропарь:** **Многоименитая Дево,/ пророки проображена честно, иже Тебе ныне со Ангелы служат./ С нимиже о нас к Богу молися, // да Твоего Покрова святой день, радуящися, вси свѣтло празднуем.**

**Слава Отцу и Сыну и Святому Духу.**

**Тропарь:** **Гедеон Тя руно прообрази,/ на Тя бо, яко роса, Христос Бог сниде,/ к Немуже, Богородице, молися, победу дати воинству нашему на враги, // да яко Мадиамы низложив, прославим святой Твой праздник.**

**И ныне и присно и во веки веков, аминь.**

**Тропарь:** **Паче солнечных луч Твоим блистающим омофором освещаяши Церковь и люди/ и тьму грехов наших отгониши посещением Твоим, Богородице, // к Сыну Твоему и Богу за ны молящися.**

КАТАВАСИЯ, ГЛАС 4:

**Твоя песнословцы, Богородице,/ живый и неизвестный источник,/ лик Себе совокуплящая духовно, утверди,/ в Божественной Твоей славе // венцев славы сподоби.**

ЕКТЕНИЯ МАЛАЯ...

**СЕДАЛЕН ПРАЗДНИКА, ГЛАС 5:**

**Т**ёплая Предстательнице и непобедимая,/ упование известное и непостыдное,/ стенó, и покрóве, и пристанище прибегающим к Тебé,/ Приснодево Чистая,/ Сына Твоего и Бóга моли со Ангелы/ умирение дати миру, и спасение,// и велию милость.

**Слава Отцу и Сыну и Святому Духу и ныне и присно и во веки веков. Аминь.**

**Т**ёплая Предстательнице и непобедимая,/ упование известное и непостыдное,/ стенó, и покрóве, и пристанище прибегающим к Тебé,/ Приснодево Чистая,/ Сына Твоего и Бóга моли со Ангелы/ умирение дати миру, и спасение,// и велию милость.

**ПЕСНЬ 4:**

**КАНОН ПРАЗДНИКА, ГЛАС 4:**

**Ирмос:**           **Седяй в славе на Престоле Божества,/ во облаце легце,/ прииде Иисус Пребожественный,/ нетленною дланию, и спасе зовущия:// слава, Христэ, силе Твоей.**

**Припев:**           **Пресвятая Богородице, спаси нас.**

**Тропарь:**           **Во гласех пений, Дево, Тебе вопиём, Всепетая:/ радуйся, тучная горó и усыренная Духом./ Радуйся, свещнице и стáмно, Мáнну носящая,// услаждающая всех благочестивых чувства.**

**Припев:**           **Пресвятая Богородице, спаси нас.**

**Тропарь:**           **Пáче Аарóня кивóта всю Тя Бог освятíл есть Духом, Богородице, Святы́м,/ и Ангелом служити Тебé повелé,/ с нимиже за град и лю́ди моли́ся,// Твой славящих честный праздник.**

**Припев:**           **Пресвятая Богородице, спаси нас.**

**Тропарь:**           **Прииди ныне в славе в Твою, Богородице, церковь с собóры всех святых,/ я́коже иногда Ты святы́й Андрей ви́де на воздухе светле, за христиáны молящуюся,// и подаждь нам Твою́ милость.**

**Слава Отцу́ и Сыну́ и Святому́ Духу.**

**Тропарь:**           **Укрепí, Владычице, славящее Тя во́инство на́ше на противныя враги́,/ я́ко Дави́да на Голиа́фа;/ да Тебé, веселя́щаяся, вопиём:// радуйся, покрóве святы́й и Засту́пнице гра́ду на́шему.**

**И ны́не и прíсно и во ве́ки веко́в, ами́нь.**

**Тропарь:**           **Тебé припадаем, Госпоже́, ве́рою и, покланя́ющася, благода́рно вопиём Ти:/ радуйся, Богоблагодáтная Дево, покрóве, и огражде́ние на́ше, и Помощнице в беде́ сущим,// спаси́ нас, к Тебé прибега́ющих, на Тя бо наде́емся.**

**КАТАВА́СИЯ, ГЛАС 4:**

**Седя́й в сла́ве на Престо́ле Божества́, / во о́блаце лёгце, / при́де Ии́сус Пребоже́ственный, / нетле́нною дла́нию, и спасе́ зову́щия: // сла́ва, Христэ́, си́ле Твое́й.**

**ПЕСНЬ 5:**

**КАНО́Н ПРАЗДНИКА, ГЛАС 4:**

**Ирмо́с:** **Ужасо́шася вся́ческая / о Божества́нней сла́ве Твое́й: / Ты бо, Неискусо́брачная Де́во, / имела́ еси́ во утробе́ над все́ми Бо́га / и родила́ еси́ Безле́тнаго Сы́на, / всем воспева́ющим Тя // мир подава́ющая.**

**Припе́в:** **Пресвята́я Богоро́дице, спаси́ нас.**

**Тропа́рь:** **Одр Тя дре́вле Соломо́н написа́ / и ло́жницу Небе́снаго Царя́, обступа́ему Серафа́имы, е́же о Тебе́ рече́ся, Богоро́дице. / Тем Тя ны́не мо́лим, Ма́ти Бо́жия Всесвята́я: // покрый́ нас от всех бед.**

**Припе́в:** **Пресвята́я Богоро́дице, спаси́ нас.**

**Тропа́рь:** **Тебе́ А́нгелов старе́йшины и честни́и проро́цы со апосто́лы / я́ко Ма́тери Бо́жии че́стно служа́т, / ви́дяще Тя за мир моли́тву творя́щу; // Твоя́ же проше́ния послу́шав, Господь́ спаса́ет град и лю́ди, на Тя наде́ющиеся.**

**Припе́в:** **Пресвята́я Богоро́дице, спаси́ нас.**

**Тропа́рь:** **Вели́кий Тя во проро́цех Иса́ия прорече́, глаго́ля, Бо́га родити́ неискусобра́чно: / Ты бо, Чи́стая Мари́е, святе́йши всех бы́ла еси́, / Бо́га бо во утробе́ и на руку́ носила́ еси́. // Ему́же за ны моли́ся, Твои́м осеня́ющи Покро́вом ве́рою Тя сла́вящих.**

**Сла́ва Отцу́ и Сы́ну и Свято́му Ду́ху.**

**Тропа́рь:** **Духо́вными паря́ще крýлы, святы́х собо́ри та́йно приидо́ша Тебе́ послужи́ти, Богоро́дице, / ви́дяще Тя на лёгце́ о́блаце сла́вы, ко Спа́су Христу́ моля́щуюся // подати́ побéду во́инству на́шему, погуби́ти вою́ющих нас.**

**И ны́не и прýсно и во ве́ки веко́в, ами́нь.**

**Тропа́рь:** **Духо́вными паря́ще крýлы, святы́х собо́ри та́йно приидо́ша Тебе́ послужи́ти, Богоро́дице, / ви́дяще Тя на лёгце́ о́блаце сла́вы, ко Спа́су Христу́ моля́щуюся // подати́ побéду во́инству на́шему, погуби́ти вою́ющих нас.**

**КАТАВА́СИЯ, ГЛАС 4:**

**Ужасо́шася вся́ческая / о Божества́нней сла́ве Твое́й: / Ты бо, Неискусо́брачная Де́во, / имела́ еси́ во утробе́ над все́ми Бо́га / и родила́ еси́ Безле́тнаго Сы́на, / всем воспева́ющим Тя // мир подава́ющая.**

ПЕСНЬ 6:

КАНОН ПРАЗДНИКА, ГЛАС 4:

**Ирмос:** **Божественное сие и всечестное/ совершающе празднество,/ Богомудрии, Богоматере,/ приидите, руками восплещим,// от Нея рождагося Бога славим.**

**Припев:** **Пресвятая Богородице, спаси нас.**

**Тропарь:** **Иереи Богомудрии, в церкви Твоей с людьми благочестивыми предстояще,/ Твоей ожидают, Богородице, милости:/ прмени на радость нашу печаль, Радость бо родила еси,// всех человеков грехи отпустившаго.**

**Припев:** **Пресвятая Богородице, спаси нас.**

**Тропарь:** **Тебе вся земля дары приносит/ яко Царице Божии Матери:/ архиереи кланяются и людие вси веселятся,// покрываеми от всякаго зла Твоими, Богородице, молитвами.**

**Припев:** **Пресвятая Богородице, спаси нас.**

**Тропарь:** **Гору Тя велику Даниил пронаписа:/ из Тебе бо без семени родися Христос/ и сокруши всю демонскую лесть, и всю Своея веры исполни землю.// К Немуже за ны, Богородице, молися, славящия Твоего Покрова праздник.**

**Слава Отцу и Сыну и Святому Духу.**

**Тропарь:** **Ангельский глас взываем Ти, Пречистая:/ радуйся, Престоле Божий, на немже Иезекииль виде Господа в подобии человека, носима Херувимы.// С нимиже за ны, Богородице, молися, да спасет души наша.**

**И ныне и присно и во веки веков, аминь.**

**Тропарь:** **Ангельский глас взываем Ти, Пречистая:/ радуйся, Престоле Божий, на немже Иезекииль виде Господа в подобии человека, носима Херувимы.// С нимиже за ны, Богородице, молися, да спасет души наша.**

КАТАВАСИЯ, ГЛАС 4:

**Божественное сие и всечестное/ совершающе празднество,/ Богомудрии, Богоматере,/ приидите, руками восплещим,// от Нея рождагося Бога славим.**

ЕКТЕНИЯ МАЛАЯ...

КОНДАК ПРАЗДНИКА, ГЛАС 3:

**Дева днесь предстоит в церкви/ и с лики святых невидимо за ны молится Богу,/ Ангели со архиереи покланяются,/ апостоли же со пророки ликовствуют:// нас бо ради молит Богородица Превечнаго Бога.**

ИКОС:

Тоя преслáвных чудес,/ приидите, лю́дие, насладимся:/ Сео́у бо Ада́м от тли избáвися./ Та бо и ковчег, не Но́ем, но Бо́гом сотворен бысть./ Дре́вле у́бо Моисей в купинé огненной Бо́га видети не возмо́же,/ ны́не же от То́я Ро́ждшагося вся земля́ зна́ет Сы́на Бо́жия,/ к Немуже́ за ны мо́лится./ Сего́ ра́ди прославля́ем Ю́ я́ко Бо́жию Ма́терь:// нас бо ра́ди Богоро́дица мо́лит Превéчнаго Бо́га.

ПЕСНЬ 7:

КАНО́Н ПРАЗДНИКА, ГЛАС 4:

**Ирмо́с:** Не послужи́ша тва́ри Богому́дрии,/ па́че Созда́вшего,/ но о́гненное пре-  
ще́ние му́жески попра́вше,/ ра́довахуся, пою́ще:// препе́тый отце́в Госпо́дь  
и Бог благослове́н еси.

**Припе́в:** Пресвята́я Богоро́дице, спаси́ нас.

**Тропа́рь:** Неиспи́санная мно́гими проро́ки,/ несве́дома же бысть, Де́во, Небе́сными  
служи́щими Бо́гу А́нгелы;/ ны́не же вси ве́мы Тя Богоро́дицу,// и Твоея́  
требу́ем по́мощи и заступле́ния, Благослове́нная.

**Припе́в:** Пресвята́я Богоро́дице, спаси́ нас.

**Тропа́рь:** Го́ра, усyreнная Ду́хом,/ ю́же Авваку́м ви́де точа́щу ве́рным целе́бную  
сла́дость, Богоро́дице Де́во,/ исцели́ ны, Сы́ну Твоему́ вопию́щия:// благо-  
словен́ Бог оте́ц на́ших.

**Припе́в:** Пресвята́я Богоро́дице, спаси́ нас.

**Тропа́рь:** Прекло́нивый Небеса́ в Тя, Де́во, всели́ся/ и ны́не на моли́тву Твою́ зрит,  
Богоро́дице Чи́стая, Твое́, Цари́це, исполня́я проше́ние:// Емуже́ за ны  
усе́рдно помолы́ся, на Тя бо наде́емся, Благослове́нная.

**Сла́ва Отцу́ и Сы́ну и Свято́му Ду́ху.**

**Тропа́рь:** Тво́рче, Спа́се наш, Христé Бо́же, прими́ моли́тву Твоея́ Ма́тере,/ ю́же Тебе́  
за ны, грешны́я, прино́сит,/ да Тебе́, ра́дующеся, поём:// препе́тый оте́ц  
на́ших Бо́же, благословен́ еси́.

**И ны́не и при́сно и во ве́ки веко́в, ами́нь.**

**Тропа́рь:** Тво́рче, Спа́се наш, Христé Бо́же, прими́ моли́тву Твоея́ Ма́тере,/ ю́же Тебе́  
за ны, грешны́я, прино́сит,/ да Тебе́, ра́дующеся, поём:// препе́тый оте́ц  
на́ших Бо́же, благословен́ еси́.

КАТАВАСИЯ, ГЛАС 4:

**Не послу́жиша твѣри Богомудрии,/ па́че Созда́вшаго,/ но о́гненное  
прещѣние му́жески попра́вше,/ ра́довахуся, пою́ще:// препѣтый отцѣв  
Госпо́дь и Бог благословѣн еси.**

ПЕСНЬ 8:

КАНО́Н ПРАЗДНИКА, ГЛАС 4:

**Ирмо́с:** **О́троки благочестѣвыя в пещи́/ Рождество́ Богородично спасло́  
есть,/ тогда́ у́бо образуемое,/ ны́не же де́йствуемое,/ вселѣнную всю  
воздвизает пѣти Тебе́:/ Госпо́да пойте дела́// и превозносите Его́ во вся  
вѣки.**

**Припѣв:** **Пресвята́я Богородице, спаси́ нас.**

**Тропа́рь:** **С чѣнми А́нгел, Владѣчице,/ с честны́ми и сла́вными проро́ки, с  
верховны́ми апосто́лы, и со священномученики, и со архиере́и за ны,  
грѣшныя, Бо́гу помоли́ся,// Твоего́ Покро́ва пра́здник в Росси́стей земли́  
просла́вльшия.**

**Припѣв:** **Пресвята́я Богородице, спаси́ нас.**

**Тропа́рь:** **Горды́ню и шата́ния низложи́ и советы́ непра́ведных разори́,/ зачи-  
на́ющих ра́ти погуби́, о Бо́жия Ма́ти, Цари́це Всечестна́я,/ и правосла́вных  
рог возвы́си, да Твой пра́здник сла́вим, Пречѣ́стая Богородице Де́во, зо-  
ву́ще:// Госпо́да воспева́йте дела́ и превозносите Его́ во вся вѣки.**

**Припѣв:** **Пресвята́я Богородице, спаси́ нас.**

**Тропа́рь:** **Усты́ принося́ще Тебе́ пѣние, и душо́ю ве́рно покланя́емся,/ и́бо внутрь  
сердца́ на́ша горя́т./ Ма́ти Бо́жия Пречѣ́стая, помѣлуй нас, моля́щихся Тебе́,  
и Госпо́да воспева́ющих,// и превознося́щих Его́ во вся вѣки.**

**Благослови́м Отца́, и Сы́на, и Свята́го Ду́ха, Госпо́да.**

**Тропа́рь:** **Мно́гими отягчи́хся грехи́, недоуме́ю по досто́янию написати Твоего́ По-  
кро́ва, Богородице, похвалы́,/ но я́ко Ма́ти Бо́жия украси́ Твой пра́здник чу-  
десы́,// да вси, ра́дующеся, поѣм Госпо́да и превозно́сим Его́ во вся вѣки.**

**И ны́не и при́сно и во вѣки веко́в, ами́нь.**

**Тропа́рь:** **Мно́гими отягчи́хся грехи́, недоуме́ю по досто́янию написати Твоего́ По-  
кро́ва, Богородице, похвалы́,/ но я́ко Ма́ти Бо́жия украси́ Твой пра́здник чу-  
десы́,// да вси, ра́дующеся, поѣм Госпо́да и превозно́сим Его́ во вся вѣки.**

КАТАВАСИЯ, ГЛАС 4:

**Хва́лим, благослови́м, покланя́емся Госпо́деви, пою́ще и превознося́ще  
во вся вѣки.**

**О́троки благочестѣвыя в пещи́/ Рождество́ Богородично спасло́ есть,/  
тогда́ у́бо образуемое,/ ны́не же де́йствуемое,/ вселѣнную всю воздвиг-  
зает пѣти Тебе́:/ Госпо́да пойте дела́// и превозносите Его́ во вся вѣки.**

ПЕСНЬ ПРЕСВЯТОЙ БОГОРОДИЦЫ...

## ПЕСНЬ 9:

### КАНОН ПРАЗДНИКА, ГЛАС 4:

**Ирмос:** **Всяк земнорóдный/ да възгра́ется, Дúхом просвещáемь,/ да торже-  
ству́ет же Безплóтных умóв естество́,/ почита́ющее священное торже-  
ство́ Богомáтере,/ и да вопи́ет:/ рáдуйся, Всеблаже́нная,// Богорóдице  
Чíстая Присноде́во.**

**Припéв:** **Пресвята́я Богорóдице, спаси́ нас.**

**Тропа́рь:** **Высо́кий Царю́, со Отце́м седя́й и от Серафíм воспева́емый,/ при́зри на  
моли́тву Ма́терню, ю́же Тебе́ за ны, грешныя, принóсит,/ и очисти́ грехи́  
на́ша, спаси́ град, и лю́ди умно́жи,// даждь нам здра́вие телесе́ и на погáныя  
побéды, моли́твами Рóждшия Тя.**

**Припéв:** **Пресвята́я Богорóдице, спаси́ нас.**

**Тропа́рь:** **А́нгельский глас вопи́ем Тебе́, Де́во Богоизбра́нная:/ рáдуйся, я́же Ада́ма  
па́ки в рай введша́я;/ рáдуйся, де́моны прогоня́щи Твои́м и́менем;/ рáдуйся,  
наде́жде христиáн;/ рáдуйся, освяще́ние душ;// рáдуйся, Храните́льнице  
гра́да на́шего.**

**Припéв:** **Пресвята́я Богорóдице, спаси́ нас.**

**Тропа́рь:** **Помяни́ нас во Твоих моли́твах, Госпоже́ Де́во Богорóдице,/ да не по-  
ги́бнем за умно́жение грехóв на́ших./ Покры́й нас от вся́каго зла и лю́тых  
напа́стей:// на Тя бо упова́ем и, Твоего́ Покрóва пра́здник чéствующе, Тя  
велича́ем.**

**Сла́ва Отцу́ и Сы́ну и Свято́му Дúху.**

**Тропа́рь:** **Дар от Бо́га прия́ла еси́ я́ко Ма́ти Бóжия/ всех христиáн недúги исце-  
ля́ти,/ и от бед избавля́ти, и грехи́ отпу́щати,/ и от пленения́ спаса́ти и  
вся́кия ну́жды./ Но и нас не прэ́зри, Госпоже́: ве́си бо, ихже тре́буем,//  
здра́вия телесе́м и душáм спасéния.**

**И ны́не и прíсно и во ве́ки веко́в, ами́нь.**

**Тропа́рь:** **Дар от Бо́га прия́ла еси́ я́ко Ма́ти Бóжия/ всех христиáн недúги исце-  
ля́ти,/ и от бед избавля́ти, и грехи́ отпу́щати,/ и от пленения́ спаса́ти и  
вся́кия ну́жды./ Но и нас не прэ́зри, Госпоже́: ве́си бо, ихже тре́буем,//  
здра́вия телесе́м и душáм спасéния.**

### КАТАВАСИЯ, ГЛАС 4:

**Всяк земнорóдный/ да възгра́ется, Дúхом просвещáемь,/ да торже-  
ству́ет же Безплóтных умóв естество́,/ почита́ющее священное торже-  
ство́ Богомáтере,/ и да вопи́ет:/ рáдуйся, Всеблаже́нная,// Богорóдице  
Чíстая Присноде́во.**

ЕКТЕНІЯ МАЛАЯ...

СВЕТИЛЕН ПРАЗДНИКА:

**О** Пресвятая Госпоже, Дево Богородице!/ Покрый нас чудесным Твоим омофором,/ сохраняя град и люди от всякаго зла,/ якоже Ты пречудный Андрей виде во Влахернстей церкви молящуюся;// и ныне нам, Госпоже, пошли великую Твою милость.

**Слава Отцу и Сыну и Святому Духу и ныне и присно и во веки веков, аминь.**

**О** Пресвятая Госпоже, Дево Богородице!/ Покрый нас чудесным Твоим омофором,/ сохраняя град и люди от всякаго зла,/ якоже Ты пречудный Андрей виде во Влахернстей церкви молящуюся;// и ныне нам, Госпоже, пошли великую Твою милость.